



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Trg pravde 10, 76100 Brčko distrikt Bosne i Hercegovine; tel: 049/217-955; faks: 049/235-070; e-pošta: pkbd@pkbd.ba

Broj: SuPK-00-250/26-I
Brčko, 30. 01. 2026. godine

Zapisnik
sa 276. redovne sjednice Pravosudne komisije Brčko distrikta BiH
održane 30. 01. 2026. godine u 08.30 sati, sa sljedećim

Dnevni redom

1. Usvajanje zapisnika sa 275. redovne sjednice Pravosudne komisije Brčko distrikta BiH;
2. Prijedlog Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika;
(izvjestilac: sudija Dobrinka Milivojević)
3. Prijedlog Pravilnika o dopunama Pravilnika o testiranju prilikom zapošljavanja u Sudskoj policiji Brčko distrikta Bosne i Hercegovine;
(izvjestilac: Rade Mitrović)
4. Davanje saglasnosti na Pravilnik o provođenju Zakona o zaštiti tajnih podataka u Osnovnom sudu Brčko distrikta Bosne i Hercegovine;
(izvjestilac: Rade Mitrović)
5. Verifikacija odluka o plati za pravobranioca i zamjenike pravobranioca Pravobranilaštva Brčko distrikta BiH;
(izvjestilac: Rade Mitrović)
6. Verifikacija Aneksa Ugovora o volonterskom radu, broj: SuPK-01-753/25-I od 31.12.2025. godine;
(izvjestilac: Rade Mitrović)
7. Verifikacija Aneksa Ugovora o volonterskom radu, broj: SuPK-01-880/25-I od 31.12.2025. godine;
(izvjestilac: Rade Mitrović)
8. Verifikacija Aneksa Ugovora o volonterskom radu, broj: SuPK-01-1186/25-I od 31.12.2025. godine;
(izvjestilac: Rade Mitrović)
9. Donošenje Odluke o imenovanju na radno mjesto operater - upisničar u Pravobranilaštvu Brčko distrikta BiH
(izvjestilac: Rade Mitrović)
10. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH;
(izvjestilac: Rade Mitrović)

11. Donošenje odluke o djelomičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1384/25-I od 28.11.2025. godine;
(izvjestilac: Rade Mitrović)
12. Donošenje Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Pravosudnoj komisiji Brčko distrikta BiH za 2026. godinu;
(izvjestilac: Rade Mitrović)
13. Davanje saglasnosti na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Kancelarije za pravnu pomoć Brčko distrikta BiH za 2026. godinu, broj: Ku-31/26 od 22. 01. 2026. godine za rad van radnog vremena;
(izvjestilac: Rade Mitrović)
14. Razmatranje zahtjeva za naknadu štete S. A. od 01.12.2025. godine;
(izvjestilac: Rade Mitrović)
15. Razmatranje urgencija B. i P. P. za postupanje po prijavi od 15.12.2025. godine;
(izvjestilac: Rade Mitrović)
16. Usvajanje zaključnog izvještaja o obavljenom radu za opšte dobro na slobodi osuđenog R. R.;
(izvjestilac: Rade Mitrović)
17. Razno.

PRISUTNI SU:

1. SAFET PIZOVIĆ, predsjednik Pravosudne komisije Brčko distrikta BiH,
2. DAMJAN KAURINOVIĆ, predsjednik Apelacionog suda Brčko distrikta BiH,
3. DRAGAN TOMAŠ, predsjednik Osnovnog suda Brčko distrikta BiH,
4. RADMILO IVANOVIĆ, v.d. glavnog tužioca Tužilaštva Brčko distrikta BiH,
5. DEJAN ĐUROVIĆ, pravobranilac Pravobranilaštva Brčko distrikta BiH,
6. MEHMED BEĆIĆ, član Komisije iz reda građana,
7. MILIVOJE VASIĆ, član Komisije iz reda građana,
8. IVAN LOVRIĆ, član Komisije iz reda građana.

Sjednica je počela u 08.33 sati.

Konstatuje se da sjednici prisustvuje osam članova i to lično prisustvuje sedam članova Komisije, dok je osmi član Mehmed Bećić, član Komisije iz reda građana, sjednici prisutan putem telefonske veze. Predsjednik Ustavnog suda BiH, Mirsad Ćeman je opravdano odsustan.

Sjednici prisustvuje i sekretar Pravosudne komisije, Rade Mitrović.

Predsjednik Komisije otvara 276. redovnu sjednicu Pravosudne komisije Brčko distrikta BiH s predloženim dnevnim redom, te predlaže da se dnevni red dopuni sa četiri tačke na način da se poslije tačke 8, doda tačka 9: „Donošenje Odluke o imenovanju na radno mjesto operater - upisničar u Pravobranilaštvu Brčko distrikta BiH“, potom iza dosadašnje tačke 10, doda tačka 11: „Odluka o broju volontera u pravosudnim institucijama Brčko distrikta BiH“, iza dosadašnje tačke 11 dodaje sljedeća tačka: „Nominacija predstavnika Pravosudne komisije u radne grupe za donošenje provedbenih propisa iz Zakona o slobodi pristupa informacijama u Brčko distriktu BiH“, i iza dosadašnje tačke 12, nova tačka: „Davanje saglasnosti na Odluku o imenovanju komisije za odabiranje arhivske građe i izlučivanje bezvrijednog registraturskog materijala Apelacionog suda Brčko distrikta BiH u 2026. godinu, od 23. 01. 2026. godine“

Postojeća tačka 19 „Razno“, postaje tačka 21 „Razno“.

Na prijedlog predsjednika, Komisija je jednoglasno usvojila predloženi i dopunjeni dnevni red.

1. Usvajanje zapisnika sa 275. redovne sjednice Pravosudne komisije Brčko distrikta BiH

Konstatuje se da je Pravosudna komisija jednoglasno i bez primjedbi, usvojila zapisnik sa 275. redovne sjednice Pravosudne komisije Brčko distrikta BiH.

2. Prijedlog Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika; (izvjestilac: sudija Dobrinka Milivojević)

Sjednici Pravosudne komisije pristupila je Dobrinka Milivojević, sudija Osnovnog suda Brčko distrikta BiH, predsjednik radne grupe za izradu Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika, a u svrhu izlaganja prijedloga Pravilnika, te nakon što je ista prijedlog obrazložila, pristupilo se glasanju.

Konstatuje se da je Komisija jednoglasno usvojila prijedlog Pravilnika o programu stručnog ispita za stečajnog upravnika, načinu njegovog polaganja i načinu stručnog usavršavanja stečajnih upravnika.

3. Prijedlog Pravilnika o dopunama Pravilnika o testiranju prilikom zapošljavanja u Sudskoj policiji Brčko distrikta Bosne i Hercegovine; (izvjestilac: Rade Mitrović)

Nakon uvodnog izlaganja sekretara Komisije, koji je prisutne podsjetio da je krajem prethodne godine stupio na snagu Zakon o izmjeni i dopunama Zakona o sudskoj policiji, kojima je omogućeno zapošljavanje službenika u sudsku policiju iz drugih policijskih agencija, mimoilazeći princip o godinama života koji trenutno važi, te je s tim u vezi bilo potrebno izmijeniti Pravilnik o testiranju prilikom zapošljavanju u Sudskoj policiji Brčko distrikta BiH, a u pogledu tih kategorija službenika, jer oni imaju redovno godišnje fizičko testiranje u svim policijskim agencijama. Takođe, predviđen je i drugačiji nivo pristupa u odnosu na redovnu

proceduru što je propisano i u samom zakonu. Donošenje Pravilnika o dopunama Pravilnika o testiranju prilikom zapošljavanja u Sudskoj policiji Brčko distrikta Bosne i Hercegovine je aktivnost koja je predviđena Planom rada Pravosudne komisije za 2026. godinu.

Konstatuje se da je komisija jednoglasno usvojila prijedlog Pravilnika o dopunama Pravilnika o testiranju prilikom zapošljavanja u Sudskoj policiji Brčko distrikta Bosne i Hercegovine.

**4. Davanje saglasnosti na Pravilnik o provođenju Zakona o zaštiti tajnih podataka u Osnovnom sudu Brčko distrikta Bosne i Hercegovine;
(izvjestilac: Rade Mitrović)**

Nakon obrazloženja, Komisija je jednoglasno donijela sljedeću

Odluku

Pravosudna komisija daje se saglasnost na Pravilnik o provođenju Zakona o zaštiti tajnih podataka u Osnovnom sudu Brčko distrikta Bosne i Hercegovine, broj: 096-0-Su-25-004 096 od 03. 10. 2025. godine.

**5. Verifikacija odluka o plati za pravobranioca i zamjenike pravobranioca Pravobranilaštva Brčko distrikta BiH;
(izvjestilac: Rade Mitrović)**

Nakon obrazloženja, Komisija je, uz izuzeće pravobranioca, jednoglasno izvršila verifikaciju odluke o plati za Dejana Đurovića, pravobranioca Pravobranilaštva Brčko distrikta BiH, broj: SuPK-01-1668/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Vehida Vehabovića, zamjenika pravobranioca Pravobranilaštva Brčko distrikta BiH, broj: SuPK-01-1690/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Maide Bajrić, zamjenika pravobranioca Pravobranilaštva Brčko distrikta BiH, broj: SuPK-01-1688/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Admira Musića, zamjenika pravobranioca Pravobranilaštva Brčko distrikta BiH, broj: SuPK-01-1685/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Ivanu Stjepanović, zamjenika pravobranioca Pravobranilaštva Brčko distrikta BiH, broj: SuPK-01-1672/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Mariju Nedić, zamjenika pravobranioca Pravobranilaštva Brčko distrikta BiH, broj: SuPK-01-1671/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Miroslava Sajlovića, zamjenika pravobranioca Pravobranilaštva Brčko distrikta BiH, broj: SuPK-01-1670/25-I od 31. 12. 2025. godine.

Nakon obrazloženja, Komisija je jednoglasno izvršila verifikaciju odluke o plati za Elicu Šljivić, zamjenika pravobranioca Pravobranilaštva Brčko distrikta BiH, broj: SuPK-01-1669/25-I od 31. 12. 2025. godine.

**6. Verifikacija Aneksa Ugovora o volonterskom radu, broj: SuPK-01-753/25-I od 31.12.2025. godine;
(izvjestilac: Rade Mitrović)**

Nakon obrazloženja, Komisija je jednoglasno izvršila verifikaciju Aneksa ugovora o volonterskom radu, broj: SuPK-01-753/25-I d 31. 12. 2025. godine.

**7. Verifikacija Aneksa Ugovora o volonterskom radu, broj: SuPK-01-880/25-I od 31.12.2025. godine;
(izvjestilac: Rade Mitrović)**

Nakon obrazloženja, Komisija je jednoglasno izvršila verifikaciju Aneksa ugovora o volonterskom radu, broj: SuPK-01-880/25-I d 31. 12. 2025. godine.

**8. Verifikacija Aneksa Ugovora o volonterskom radu, broj: SuPK-01-1186/25-I od 31.12.2025. godine;
(izvjestilac: Rade Mitrović)**

Nakon obrazloženja, Komisija je jednoglasno izvršila verifikaciju Aneksa ugovora o volonterskom radu, broj: SuPK-01-1186/25-I d 31. 12. 2025. godine.

9. Donošenje Odluke o imenovanju „operatera – upisničara“ u Pravobranilaštvu Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku

Na radno mjesto „operater-upisničar“ u Pravobranilaštvu Brčko distrikta BiH imenuje se Razija Šadić, kći Razima, iz Brčkog.

Imenovana je dužna stupiti na rad dana 09. 02. 2026. godine, a stupanjem na rad zasniva radni odnos na neodređeno vrijeme u Pravobranilaštvu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.463,08 KM (hiljadučetiristotinešezdesettri i 08/100 konvertibilnih maraka).

**10. Donošenje rješenja o prestanku radnog odnosa Zineti Abdul Razzak, referentu-operateru-asistentu u Apelacionom sudu Brčko distrikta BiH;
(izvjestilac: Rade Mitrović)**

Nakon obrazloženja, konstatuje se da je Komisija jednoglasno donijela sljedeće

Rješenje

Zineti Abdul Razzak, referentu-operateru-asistentu u Apelacionom sudu Brčko distrikta BiH, prestaje radni odnos u Apelacionom sudu Brčko distrikta BiH, zaključno sa 06. 02. 2026. godine, radi odlaska u starosnu penziju.

**11. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH;
(izvjestilac: Rade Mitrović)**

Nakon obrazloženja konstatuje se da je Komisija jednoglasno donijela sljedeću:

Odluku o raspisivanju Javnog konkursa za popunjavanje upražnjenih radnih mjesta u pravosuđu
Distrikta

1. Sekretar Pravobranilaštva Brčko distrikta BiH (na određeno vrijeme, radi zamjene odsutnog službenika, ali ne duže od dvije godine) 1 (jedan) izvršilac
2. Referent-operater-asistent u Apelacionom sudu Brčko distrikta BiH, (na neodređeno vrijeme) 2 (dva) izvršioca

Prijave na konkurs podnose se od 03. 02. 2026. godine do 17. 02. 2026. godine.

Nakon obrazloženja, konstatuje se da je Komisija jednoglasno donijela sljedeću:

Odluku

o imenovanju komisija za zapošljavanje po javnom konkursu broj:
SuPK-01-115/26-I od 30. 01. 2026. godine

I Imenuje se komisija za zapošljavanje sekretara Pravobranilaštva Brčko distrikta BiH (na određeno vrijeme, radi zamjene odsutnog službenika, ali ne duže od dvije godine), u sastavu tri člana Pravosudne komisije:

1. Dejan Đurović, predsjednik,
2. Safet Pizović, član,
3. Dragan Tomaš, član.

II Imenuje se komisija za zapošljavanje referenta-operatera-asistenta u Apelacionom sudu Brčko distrikta BiH (na neodređeno vrijeme), u sastavu tri člana:

1. Vuk Lučić, predsjednik,
2. Robert Jović, član,
3. Smajila Kikić, član.

12. Odluka o broju volontera u pravosudnim institucijama Brčko distrikta BiH

Nakon obrazloženja, konstatuje se da je Komisija jednoglasno donijela sljedeću:

Odluku
o broju volontera u pravosudnim institucijama Brčko distrikta BiH

Član 1.

Na prijedlog rukovodilaca pravosudnih institucija, a u skladu sa odobrenim budžetskim sredstvima, utvrđuje se da će se do kraja 2026. godine, izvršiti prijem 8 (osam) diplomiranih pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Član 2.

Broj volontera koji će se do kraja 2026. godine primiti u pravosudne institucije, utvrđuje se kako slijedi:

1. Apelacioni sud Brčko distrikta BiH – 2 (dva) volontera,
2. Osnovni sud Brčko distrikta BiH – 5 (pet) volontera,
3. Kancelarija za pravnu pomoć Brčko distrikta BiH – 1 (jedan) volonter.

Član 3.

Primljeni volonteri će tokom obavljanja volonterskog rada imati prava u skladu sa relevantnim zakonima, podzakonskom aktima i Ugovorom o volonterskom radu koji će zaključiti sa Pravosudnom komisijom.

Član 4.

Uslovi i način prijema volontera iz člana 2. ove Odluke, utvrdit će se javnim pozivom, koji će raspisati Pravosudna komisija Brčko distrikta BiH, a koji će biti objavljen na internetskoj stranici Pravosudne komisije i oglasnim tablama pravosudnih institucija.

Član 5.

Ova Odluka stupa na snagu danom donošenja.

Takođe, konstatuje se da je Komisija jednoglasno donijela sljedeću odluku o raspisivanju:

Javni poziv za prijem volontera u pravosudne institucije Brčko distrikta BiH

1. Apelacioni sud Brčko distrikta BiH 2 (dva) volontera
2. Osnovni sud Brčko distrikta BiH 5 (pet) volontera
3. Kancelarija za pravnu pomoć Brčko distrikta BiH 1 (jedan) volonter

Javni poziv se raspisuje za prijem 8 (osam) diplomiranih pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

13. Donošenje odluke o djelimičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1384/25-I od 28. 11. 2025. godine; (izvjestilac: Rade Mitrović)

Nakon obrazloženja, konstatuje se da je Komisija jednoglasno donijela sljedeću:

Odluku

o djelimičnom poništenju javnog konkursa broj: SuPK-01-1384/25-I od 28. 11. 2025. godine

Član 1

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-1384/25-I od 28. 11. 2025. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Sudski policajac u Sudskoj policiji Brčko distrikta BiH (na neodređeno vrijeme)
..... 7 (sedam) izvršilaca

Član 2

Javni konkurs za poziciju iz člana 1. ove Odluke, djelimično se poništava iz razloga što niko od kandidata ne ispunjava uslove propisane internim oglasom, odnosno javnim konkursom propisano članom 35. stav (1) tačka b) Zakona o službenicima i namještenicima u pravosuđu Brčko distrikta BiH.

Član 3

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

14. Donošenje Odluke o nominaciji predstavnika Pravosudne komisije u radnu grupu za donošenje provedbenih propisa iz Zakona o slobodi pristupa informacijama u Brčko distriktu BiH; (izvjestilac: Rade Mitrović)

Nakon obrazloženja, konstatuje se da Komisija jednoglasno nominuje Gavrić Borisa, pomoćnika sekretara – portparola Pravosudne komisije u radnu grupu za donošenje provedbenih propisa iz Zakona o slobodi pristupa informacijama u Brčko distriktu BiH.

15. Donošenje Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Pravosudnoj komisiji Brčko distrikta BiH za 2026. godinu; (izvjestilac: Rade Mitrović)

Nakon obrazloženja, Komisija je jednoglasno donijela sljedeću:

Odluku
o imenovanju Komisije za odabiranje arhivske građe i
izlučivanje bezvrijednog registraturskog materijala u 2026. godini

Član 1 (Predmet)

Ovom Odlukom imenuje se Komisija za odabiranje arhivske građe i izlučivanje bezvrijednog registraturskog materijala u Pravosudnoj komisiji Brčko distrikta BiH za 2026. godinu (u daljem tekstu: Komisija) u sljedećem sastavu:

1. Olja Klašnić, stručni saradnik za pravne poslove i evropske integracije u Pravosudnoj komisiji - predsjednik;
2. Almira Pitnjaković, samostalni referent za finansije i računovodstvo - član;
3. Snježana Jokanović, službenik finansija i računovodstvene službe - član;
4. Nataša Kovač, sekretarica predsjednika/asistent - član;
5. Begzada Bečić, operater-asistent za opšte administrativne poslove - član;
6. Merisa Kevrić, operater-asistent za poslove personalne evidencije i zapošljavanja - član;

7. Branko Mišić, tehničar za informacione tehnologije - član;
8. Milenko Cvijanović, vozač-kurir - član;
9. Benjamin Junuzović, operater-asistent za upravljanje privremeno oduzetom imovinom- član.

Član 2 (Zadaci Komisije)

Komisija je dužna da, u skladu sa Pravilnikom o kancelarijskom poslovanju Pravosudne komisije, Pravilnikom o arhivskom poslovanju Pravosudne komisije i Listom kategorija sa rokovima čuvanja Pravosudne komisije Brčko distrikta BiH, obavlja sljedeće poslove:

- a) vrši sređivanje i evidentiranje registraturskog materijala i arhivske građe koji su nastali u radu pravosudnih institucija prije formiranja Pravosudne komisije a koji se nalaze u posjedu Pravosudne komisije;
- b) vrši sređivanje i evidentiranje registraturskog materijala i arhivske građe koji su nastali u radu Pravosudne komisije Brčko distrikta BiH;
- c) vrši odabiranje arhivske građe i izlučivanje bezvrijednog registraturskog materijala;
- d) sačini detaljan popis bezvrijednog registraturskog materijala;
- e) provede druge radnje potrebne za uništavanje bezvrijednog registraturskog materijala i sređivanje arhivske građe u saradnji sa Arhivom Brčko distrikta Bosne i Hercegovine.

Član 3 (Organizacija rada Komisije)

- (1) Komisija će svoj rad organizovati van radnog vremena u dane vikenda ili radnim danima nakon isteka redovnog radnog vremena u trajanju od 6 (šest) sati sedmično.
- (2) Za organizaciju rada Komisije zadužen je predsjednik Komisije.

Član 4 (Evidencija o radu)

- (1) Komisija je dužna da o svom radu vodi evidenciju, koju dostavlja predsjedniku Pravosudne komisije Brčko distrikta BiH istekom svakog mjeseca ili ranije na njegov zahtjev.
- (2) Evidencija iz stava (1) ovog člana, koju svojim potpisom ovjeravaju predsjednik Komisije i predsjednik Pravosudne komisije, služiće kao dokaz ispunjenosti uslova za isplatu pojedinačne mjesečne naknade.

Član 5 (Naknada za rad)

- (1) Za obavljanje zadataka iz člana 2 ove Odluke predsjednik i članovi Komisije imaju pravo na novčanu naknadu za rad van radnog vremena, shodno Zakonu o službenicima i namještenicima u pravosuđu Brčko distrikta BiH.
- (2) Novčana naknada iz stava (1) utvrdiće se kao mjesečna naknada u iznosu do 10% prosječne bruto plate zaposlenih u pravosuđu isplaćene za mjesec koji prethodi mjesecu u kojem se isplaćuje naknada.
- (3) Odluku o isplati novčane naknade istekom svakog mjeseca donosi predsjednik Pravosudne komisije Brčko distrikta BiH, srazmjerno efektivnom vremenu provedenom u radu uzimajući u obzir izvještaje o radu iz člana 4 ove Odluke.

Član 6
(Stupanje na snagu)

Ova odluka stupa na snagu danom donošenja.

**16. Davanje saglasnosti na Odluku o imenovanju Komisije za odabiranje arhivske građe i izlučivanje bezvrijednog registraturskog materijala u Apelacionom sudu Brčko distrikta BiH za 2026. godinu, broj: 097-0-Su-26-000065 od 23. 01. 2026. godine, za rad van radnog vremena;
(izvjestilac: Rade Mitrović)**

Nakon obrazloženja, Komisija jednoglasno donosi sljedeću:

Odluku

Pravosudna komisija daje se saglasnost na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Apelacionog suda Brčko distrikta Bosne i Hercegovine u 2026. godini, broj: 097-0-Su-26-000065 od 23. 01. 2026. godine, za rad van radnog vremena.

**17. Davanje saglasnosti na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Kancelarije za pravnu pomoć Brčko distrikta BiH za 2026. godinu, broj: Ku-31/26 od 22. 01. 2026. godine za rad van radnog vremena;
(izvjestilac: Rade Mitrović)**

Nakon obrazloženja, Komisija jednoglasno donosi sljedeću

Odluku

Pravosudna komisija daje se saglasnost na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Kancelarije za pravnu pomoć Brčko distrikta Bosne i Hercegovine za 2026. godinu, broj: Ku-31/26 od 22. 01. 2026. godine, za rad van radnog vremena.

**18. Razmatranje zahtjeva za naknadu štete S. A. od 01. 12. 2025. godine;
(izvjestilac: Rade Mitrović)**

Nakon obrazloženja zahtjeva za naknadu štete S. A, od strane sekretara Pravosudne komisije, konstatuje se da je Komisija jednoglasno donijela odluku kojom se zahtjev za naknadu štete S. A. odbija kao neosnovan, u cjelosti.

Komisija je nakon diskusije donijela zaključak i zadužila stručnu službu Pravosudne komisije, u vezi sa budućim zahtjevima za naknadu štete, da se analizira i razmotri opcija utvrđivanja

kriterijuma za naknadu štete, koji će potom biti predmet rasprave na sjednici Pravosudne komisije.

**19. Razmatranje urgencija B. i P. P. za postupanje po prijavi od 15. 12. 2025. godine;
(izvjestilac: Rade Mitrović)**

Nakon obrazloženja urgencije B. i P. P. za postupanje po prijavi od 15. 12. 2025. godine, od strane sekretara Pravosudne komisije, konstatuje se da se iz glasanja po ovoj tački izuzimaju Radmilo Ivanović, v.d. glavnog tužioca Tužilaštva Brčko distrikta BiH i Dejan Đurović, pravobranilac Pravobranilaštva Brčko distrikta BiH. Nakon toga, sekretar je obavijestio članove Komisije da su podnosioci prijave obaviješteni o nenadležnosti Pravosudne komisije, nakon čega je Pravosudnoj komisiji dostavljeno više urgencija, a u konačnom, dana 21. 12. 2025. godine, podneskom su zahtijevali informacije koje je Pravosudna komisija prosljedila Tužilaštvu Brčko distrikta BiH, koje je tražene informacije i dostavilo.

Konstatuje se da je Komisija jednoglasno donijela sljedeće:

Rješenje

I Usvaja se zahtjev B. i P. P. od 21.01.2026. godine u dijelu koji se odnosi na pribavljanje dokumentacije od strane Tužilaštva Brčko distrikta Bosne i Hercegovine o svim obraćanjima navedenog tužilaštva prema Interpolu u predmetu broj T18 0 KTK 0004745 16, te se navedena dokumentacija koja predstavlja sastavni dio ovog rješenja dostavlja podnosiocima zahtjeva.

II U preostalom dijelu zahtjev se odbacuje zbog nenadležnosti Pravosudne komisije Brčko distrikta Bosne i Hercegovine.

III Zahtjevi B. i P. P. od 08. 01. 2026. godine i 13.01.2026. godine odbacuju se zbog nenadležnosti Pravosudne komisije Brčko distrikta Bosne i Hercegovine.

**20. Usvajanje zaključnog izvještaja o obavljenom radu za opšte dobro na slobodi
osuđenog R. R.
(izvjestilac: Rade Mitrović)**

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog R. R.

21. Razno.

Sekretar Pravosudne komisije informisao je članove da je održan sastanak u prostorijama Kabineta gradonačelnika Brčko distrikta BiH, na kojem su bili prisutni predstavnici zakonodavne i izvršne vlasti Brčko distrikta BiH, a na kojem se diskutovalo o Zakonu o državnim službenicima, te je prisutne obavijestio da je jednoglasav stav da bi Zakon o državnim službenicima, u kome bi svi organi vlasti Brčko distrikta bili objedinjeni, bio neprovodiv. Zakon je prosljeđen na komentare OHR-u. Sekretar je članove Komisije obavijestio da će današnjem sastanku u vezi za sistemskim zakonima o platama u Brčko distriktu BiH, ispred pravosuđa, prisustvovati Zoran Rakanović i Rade Mitrović.

Konstatuje se da je 276. redovna sjednica Pravosudne komisije završena u 09.11 časova.

Zapisnik vodila

Olja Klašnić

Predsjednik

Pravosudne komisije

Safet Pizović